

প্রতারণা

মনীশকে যে আমি খুব ভালোভাবে চিনি এমন নয়, তার মৃত্যুর কিছুদিন আগে তার একটা ডায়েরির আমার হাতে আসে, আর একটা ছোট্ট নোটবুদক। মনীশের সঙ্গে আমি বরাবরই একটা দূরত্ব বজায় রেখেছি, বিশেষত তার বারবার নিজেকে একেবারে কপর্দকহীন, সর্বস্বান্ত করে দেয়ার যে-ঝোঁক ছিল, সেসব আমার কোনোদিনই ভালো লাগেনি। একেবারে শূন্যের ভিতর গিয়ে দাঁড়ানোর এই ঝোঁক আমার কিছুটা আত্মঘাতী মনে হয়েছে। অথচ অস্বীকার করার উপায় নেই, তার চরিত্রের এই দিকটাই আমাকে টেনেছে বেশি। মৃত্যুর কিছুদিন আগে তাকে আমি দেখতে যাই, তখন তার কথা বলার কোনো উপায় ছিল না, গলায় ক্যানসার। চিকিৎসা দূরের কথা, পথ্য অর্থাৎ খাবার-ও তার জোটেইনি। অবশ্য মনীশ কোনো চিকিৎসা-ও করেনি, সে কেবল ডাক্তারের কাছ থেকে, যন্ত্রণা কমানোর কিছু ওষুধ নেয়। এ-ব্যাপারে পাড়ার একটি ক্লাব থেকে সে কিছু সাহায্য-ও পায়। ব্যস আর কিছু না। এরপর তার মৃত্যু খুব স্বাভাবিক ছিল। আমাকে সেদিন দেখে সে শান্তভাবেই তার পাশে রাখা ডায়েরি ও নোটবুদক আমার হাতে দেয়। তার মূণে কোনো ক্ষোভ ছিল না, অনুতাপ ছিল না, অভিযোগ-ও নয়। অথচ প্রশান্ত ছিল কি? না, তা-ও নয়। শুধু এক অসীম ঔদাসীণ্য ও প্রত্যাখ্যানে ভরা তার মুখ দেখে একবার হঠাৎ-ই মনে হয়েছিল, বোধহয় শূন্যের কিছুটা আভাস সে কোনো-ভাবে দেখতে পেয়েছে। মৃত্যুর অন্তহলে যে পরম নৈঃশব্দ্য আছে, তারই ভূমিকা হিসেবে তার বাকশক্তি লোপ পাওয়ার সে যে স্তম্ভ হয়ে যেতে শুরুর করে, নিশ্চয়ই তার জন্য তার কোনো মনস্তাপ ছিল না, এটা আমরা ধরে নিতে পারি।

আগেই বলেছি মনীশের কাছ থেকে একটা দূরত্ব আমি বরাবরই বজায় রেখেছি। সে-ও তাই, আমার কাছ থেকে। একসময় তাকে আমি পছন্দ করতাম, ক্রমে তার জায়গায় একটা বিতৃষ্ণা চলে আসে। মনে হতো মনীশ অহংকারী। একসময় তাকে আমি ধার দিয়েছি, বেশ কয়েক হাজার। সে ধারও সে শেষ পর্যন্ত শোধ করেনি। তার চরিত্রে এটা অবশ্য বেশ মানিয়ে যায়। সে সময় সে বেশ কিছু গল্প লিখে ফেলেছে, লেখক হিসেবে তাকে তখন অনেকে চেনে। তার লেখা আমি যে পছন্দ করতাম না এমন নয়, বলতে

বিধা নেই তার চিন্তাভাবনায়, বা গল্পের কোনো কোনো চরিত্রে আমার নিজের ছায়া আমি লক্ষ্য করছি। তখন অনেক সময়ই মনে হয়েছে লেখক হিসেবে সে আমাদের কাছ থেকে যেন তার প্রাপ্যের চেয়ে বেশ কিছু বেশি-ই দাবি করছে। যেন সে ধরেই নিয়েছে সে 'লেখ' বলে আমাদেরও উচিত তাকে ক্ষতিপূরণ দেয়া, যেন তার 'লেখা'র জন্য সে নিজেকে যতটুকু নষ্ট করেছে, পূর্নাড়িয়ে ফেলেছে তার দায়িত্ব আমাদের, তার চারপাশের পরিচিত লোকদের। বলতে বিধা নেই, এই জন্য তাকে আমি ঘৃণা করছি। কিন্তু 'ঘৃণা' বললে যথেষ্ট বলা হয় না, তার চেয়ে বলা ভালো আমি তাকে সন্দেহ করছি। সে প্রকৃত লেখক কিনা, নাকি লেখকের ছদ্মবেশে কোনো প্রতারক, এই সন্দেহ আমার শেষ পর্যন্ত ছিল, তার ডায়েরি এবং নোটবুদক পড়ার পরও। যেকোনো লোকেরই আত্মবিবরণীতে এক ধরনের কৈফিয়ত থাকে, আত্মপক্ষ সমর্থনের একটা স্বাভাবিক চেষ্টা থাকে, ফলে ডায়েরি ও নোটবুদক পাঠ করে যেমন লোকটিকে তার ভেতর থেকে চেনা যায়, তেমনই, বলা যায় সেইজন্যই ঠিক তাকে নিরপেক্ষভাবে দেখা যায় না। কাজেই ডায়েরি ও নোটবুদকের চেয়ে বড় কথা হল ঘটনা। তার জীবনের কিছু ঘটনা যদি পর পর সাজিয়ে দেখা যায়, তার কথা ও কাজের মধ্যে যথেষ্ট ফারাক রয়েছে, তাহলে অবশ্যই আমরা তার কথায় সন্দেহ করব, সন্দেহ করব তার ব্যাখ্যায় ও কৈফিয়তে। এখন ঘটনার দিকে একটু নজর দেয়া যাক। অবশ্য এখানে প্রশ্ন উঠতে পারে কেন আমি মনীশকে এত গুরুত্ব দিচ্ছি, সে তো গুরুত্বপূর্ণ কিছু লেখেনি, কিংবা কাজও করেনি। বস্তুতপক্ষে মনীশকে আমি গুরুত্ব দিচ্ছি না, আমি গুরুত্ব দিচ্ছি মনীশ নামে একটি 'সমস্যা'কে কিংবা ধরা যাক একটা বিশেষ মানসিক বিকারের উপসর্গকে, যার চেহারা ক্রমশই আমার কাছে স্পষ্ট হয়েছে।

মনীশের জীবনের কিছু ঘটনা আমি জানি, যেসব ঘটনা সে তার নোটবুদক ও ডায়েরিতে উল্লেখ করেছে, তাদের ব্যাখ্যা-বিশ্লেষণ সে নিজেই দিয়েছে। প্রথম ঘটনা হচ্ছে তার মা-র মৃত্যু। এ সম্পর্কে মনীশের জবানবীতি তার নোটবুদকে যা লেখা আছে, তারই উল্লেখ করছি :

মনীশের নোটবুদক থেকে

মা-র মৃত্যু শেষ পর্যন্ত আমাকে এতটা ভয়ঙ্করভাবে পিষে থেঁতলে দেবে তা বুঝতে পারিনি। সত্যিকথা বলতে কী মা-র মৃত্যুর পরপরই আমি হাঁফ ছেড়ে বাঁচি, আমার নিজেকে অনেক স্বাধীন ও মুক্ত বলে মনে হয়। এর জন্য সত্যজিৎ রায়ের পথের পাঁচালী দেখার কোনো দরকার নেই। এটা ঘটনা। এটা আমার নিজের অভিজ্ঞতা থেকে জানি। মৃত্যুর আগে মা বম্ব উন্মাদ হয়ে যায়। গা থেকে জামাকাপড় জোর করে খুলে ফেলত, মুখে অশ্লীল, অশ্রাব্য ভাষা। আমাকেই মা-র দৃ-হাত বেষ্ট্রে রেখে পাহারা দিতে হত। অমানুষিক কষ্ট সহ্য করে আমি লক্ষ্য করতাম সেই উন্মাদ বত্রিশ বছরের তরুণী কীভাবে

স্মৃতি ও স্বপ্নের জগতে ভেসে গিয়ে তার শরীর ও স্বাভাবিক চেতনার দাবিকে অগ্রাহ্য করে চলেছে। মা তখনো ছিল ব্রিটিশ বছরের এক স্বামীহারা লাভণ্যময়ী তরুণী। তখন আমার বয়সসন্ধি। মা যে তখনো তরুণী সে সম্পর্কে আমি সদ্য সচেতন হয়েছি, তার আগে পর্যন্ত অর্থাৎ আমার গোটা বাল্য ও শৈশব কেটেছে মা-র হাতে প্রচণ্ড প্রহার ও ভৎসনায়। বাব্বর মৃত্যুর পর অত্যাচারী বাবার ভূমিকা আমার মাকেই নিতে হয়। কিন্তু বয়সসন্ধির সময় হঠাৎ-ই মার জন্য আমার করুণা ও সমবেদনা আসে। তবু মার মৃত্যুর ঠিক পরেই এক ধরনের মৃত্তির স্বাদ পাই। কিন্তু তার পাশাপাশি এক ভয়ঙ্কর নিরাপত্তাবোধের অভাব আমাকে মাঝে মাঝেই দারুণ উবেগ ও উৎকণ্ঠার দিকে ঠেলে দিতে থাকে। কোনো কোনো সময় এই উবেগ, আতঙ্কের পর্যায়ে গিয়ে পৌঁছয়। এই সময় আমি অস্থির হয়ে উঠতাম, আমার নারী সঙ্গের প্রয়োজন হতো।

এর অনেকদিন পর হঠাৎ-ই হারমান হেসের ডেমিয়ান বইটি আমার হাতে আসে। তাতে, বিস্মিত হয়ে লক্ষ্য করি, ডেমিয়ান, তার, এক সহপাঠীর মার প্রেমে পড়েছে। সেই মহিলার কোমল সোনালী অলকগুচ্ছের স্পর্শে শিহরিত হয়ে প্রথম চুম্বনের মুহূর্তে ডেমিয়ান একই সঙ্গে নারী ও জননীর সুরভিত গুচ্ছাধরের স্বাদে বসন্তের ফুল ও ফলের স্বাদ পাচ্ছে। আমি হেসকে ধন্যবাদ জানাই। আমার হঠাৎ-ই মনে পড়ে, মৃত্যুর কিছুদিন আগে মার চুম্বনের কথা। প্রতিবেশী এক বন্ধুর সঙ্গে আমি দূরের একটি শহরে বেড়াতে যাবো। এর আগে আমি কখনো মাকে ছেড়ে দূরের কোনো অপরিচিত ব্যক্তির বাড়িতে থাকিনি। বাণেশ্বরের আগের দিন তেতলার ছাদে অপরাহ্নের স্নান আলোয় হঠাৎ অশ্রু বলমল গোখে মা আমাকে কাছে টেনে নিয়ে কপালে ও গালে চুম্বন দেয়। এখনো সেই চুম্বনের স্মৃতি হঠাৎ-ই মাঝে মাঝে এক অকালমৃত তরুণীর স্নান বিষণ্ণ চোখ ও মূর্তিকে যেন সময়ের পরপর থেকে এক মৃদু তরঙ্গের ব্যাপটায় আমার সামনে নিয়ে আসে। সে মূর্তি যেন অস্ফুট ভাষায় কিছু বলতে চায়, তারপর পলকের মধ্যে শিশির বিন্দুর মতো ভেঙে চুরমার হয়ে ফের মিশে যায় স্রোতে।

মার মৃত্যু কেন ও কীভাবে হয় তা এই মুহূর্তে বলছি না। শুধু স্মৃতি ও সময় নিয়ে এক অবিরাম জটিল ভাবনার মধ্যে ভেসে চলছি। সেদিন স্টানিস্লাভ লেমের 'নক্ষত্র ডায়েরি' পড়লাম। তার একটি গল্পে মহাকাশে সময়ের আবর্ত বা টাইম ভরটেকসর উল্লেখ আছে যেখানে প্রাতি মুহূর্তের 'আমি'-র সঙ্গে আমার দেখা হতে পারে। যেখানে অতীত, বর্তমান, ভবিষ্যৎ একীকার হয়ে আছে। সম্ভবত সেখানে মার সঙ্গে দেখা হলে এই ৬০ বছরের 'আমি' এক ৩২ বছরের তরুণীকেই দেখতে পাবো। স্মৃতি ও সময়ের রহস্য নিয়ে এক জীবন ভাবনার জালে জড়িয়ে পড়ছি।

লেখকের বক্তব্য

চারপাশের বাস্তব জগত সম্পর্কে মনীশের একটু অসুস্থ ঔদাসীন্য বোধহয় এসময়

থেকেই তাকে ঠেলে দেয় দিবাম্বপ্ন ও মনোবিকারের দিকে, যেখানে তার কাছে ঘুম ও জাগরণ প্রায় একাকার হয়ে যেতে থাকে। মনশৈশ্বর ব্যস্তিহে যে উন্মাদ হওয়ার সম্ভাবনা ছিল, তা এখান থেকেই লক্ষ্য করা যায়। নোটবুদ্ধের এই অংশে মনশৈশ্বর কিছুটা কবিত্ব করেছে মৃত্যু সম্পর্কে। কিন্তু আমি খুব ভালোভাবেই জানি যে এমন কি তার কোনো বন্ধুর মৃত্যুতেও শব্দাবাহার অংশ নেয়নি। তার এক ঘনিষ্ঠ আত্মীয়ের কাছ থেকে আমি জানতে পারি, এমনকি তার মায়ের মৃত্যুর দিন ভোরবেলায় সে নিশ্চিন্তে ঘুমোয়, তাকে ঠেলে ঘুম ভাঙিয়ে ডাক্তারের কাছে পাঠানোর আগেই তার মার মৃত্যু হয়। এ সম্পর্কে মনশৈশ্বর ব্যাখ্যা কী তা জানার আগ্রহ আমার ছিল। তার নোটবুদ্ধ তন্ন তন্ন করে খুঁজে শেষ পর্যন্ত এক জায়গায় কয়েক লাইন পাই। তাদের নিচে তুলে দিচ্ছি :

মার মৃত্যু সম্পর্কে আমার দায়িত্ব

পর পর কয়েকদিন ভোররাতে ডাক্তারের কাছে যাই। সেদিনও গিয়ে ওষুধ এনে ঘুমিয়ে পড়ি। মার অবস্থা খুবই খারাপ। হঠাৎ একসময় কেউ আমাকে ফের ধাক্কা দিয়ে জাগায়। উঠতে সামান্য দেরি হয়। কিন্তু উঠি। ফের ডাক্তারের কাছ থেকে ওষুধ এনে বাড়িতে ঢুকতেই কান্নার রোল শুনিনি। আমার মেজমাসী আমাকে তীব্র ভৎসনা করে বলেন : ‘ছি ছি, তুই দেরি করে গেলি, তোর জন্যই তো—’

আমি কিছুই বলিনা, মাথা নিচু করে থাকি। আমি জানি মার মৃত্যুর জন্য দায়ী কে। যে দায়ী সে কিছুক্ষণ পরেই খাট ও রজনীগন্ধার গোছা নিয়ে আসে। তার ভাঙা গাল, কোটের বসা চোখ, শিকারি বেড়ালের মতো তীব্র ধূর্ত চোখের মণি ঘুরতে ঘুরতে মেজমাসীর মুখে স্থির হয়। আজ তার গলায় সিল্কের গাঢ় নীসারঙের স্কার্ফ বাঁধা নেই, পরনে সিল্কের শার্ট ও গ্যাবার্ডিনের ট্রাউজার্স নেই। রমণীমোহনদা আজ খুবই শোকার্ত। কিন্তু কুমারী মেজমাসীকে ছেড়ে তরুণী বিধবা, আমার মায়ের দিকে চলে যাওয়ার জন্য মেজমাসী কখনো রমণীমোহনকে ক্ষমা করেনি। আজ তাই মেজমাসীর ক্রন্দনরত ওষ্ঠাধরে বিদ্রুপ লক্ষ্য করে রমণীমোহন মৃত্যুর শব্দাবাহার দিকে মন দেয়।

আমি সবকিছু লক্ষ্য করি।

হা ঈশ্বর !

লেখকের বক্তব্য

এই কটি লাইন পড়ে বোঝা যাচ্ছে কিশোর বয়স থেকেই মনশৈশ্বর মন সন্দেহপ্রবণ। আমি পরে খোঁজ নিয়ে জেনেছি মনশৈশ্বর মার মৃত্যুর ব্যাপারে রমণীমোহনের ভূমিকা থাকলেও তার সঙ্গে মনশৈশ্বর আত্মীয়গণের কোনো সম্পর্ক ছিল না। মনশৈশ্বর যে সন্দেহপ্রবণ ছিল, তা আমি তার স্ত্রী ও দুই প্রেমিকার কাছ থেকে আরো জানতে পারি। এমনকি

আমাকেও সে তার প্রেম-ব্যাপারে সন্দেহ করেছে। তার প্রথম যৌন অভিজ্ঞতাও সুস্থ নয়। আমি এবিষয়ে কিছুই বলতে চাই না। তার নোটবুকই এবিষয়ে সাক্ষ্য দিক :

মনীশের নোটবুক

আমার প্রথম যৌন অভিজ্ঞতা ঘটে স্বপ্নে ! আমাদের শহরের পুলিশ সুপারিন-টেনডেন্ট যিনি ছিলেন, তাঁর ছিল একটি হুডখোলা লাল গাড়ি, আর কিশোরী দুই মেয়ে। আমি স্বপ্নে দেখি সেই লাল হুডখোলা গাড়িটি চেপে তারা বেড়াতে চলেছে। আমি রাস্তায় দাঁড়িয়ে। হঠাৎ গাড়ি থেকে একটি মেয়ে আমার দিকে একটি চিঠি ছুঁড়ে দেয়। আমি হাত বাড়িয়ে রাস্তা থেকে চিঠি তুলে নিতে যাব, এমন সময় ঘুম ভেঙে যায়। হাতে ছোঁওয়া লাগে এক নগ্ন নারীশরীরের। তিনি আমার মাতৃসমা একজন। ভয়ে ও অপরাধে সারারাত জেগে থাকি।

লেখকের বক্তব্য

বয়স্ক মহিলাদের সম্পর্কে মনীশের যে যুবক বয়স থেকেই আগ্রহ ছিল, তা আমি জানি। অন্তত একজন তিরিশোর্ধা মহিলার সঙ্গে তার আঠারো বছর বয়সে যে সম্পর্ক হয় তার খুঁটিনাটিও একসময় আমি জানতাম। মনীশের সঙ্গে আমি তাঁর বাড়িতেও গেছি। কিন্তু মনীশের নারীসঙ্গ সম্পর্কে আমার আগ্রহ কম। আমি তার স্বপ্ন ও স্মৃতির জগৎ সম্পর্কে আগ্রহী ছিলাম। অথবা বলা ভালো তার ‘অন্তর্জগৎ’ সম্পর্কে আমার আগ্রহ। কেননা আমার ধারণা মনীশ তার বাইরের জীবন ও জগৎকে প্রতারণা করতে শুরু করে এই তথাকথিত ‘অন্তর্জগৎ’ তে তড়ানায়।

বলা ভালো, আমি ‘অন্তর্জগৎ’ে বিশ্বাসী নই। আমি বিশ্বাস করি মানুষের আচরণই হচ্ছে তার একমাত্র পরিচয়। অথবা বলা যায় তার সবচেয়ে বড় পরিচয়। মনীশের একটানা নানান নারী সংসর্গ, তার অসুখী ও ভগ্ন দাম্পত্যজীবন, তার অবিরাম ঋণ করা ও ঋণ শোধ না-দেয়া, তার আত্মহত্যার চেষ্টা তার চাকুরিতে ইস্তফা দেয়া, তার সর্বস্বান্ত হওয়া, তার ঐশ্বরিক ধ্যান ও অভিজ্ঞতা, এ সবই আমার মনে হয়েছে যেন ন্যাড়া ছাদের কিনারে দাঁড়িয়ে ঘুমের ভিতর দিয়ে হেঁটে যাওয়া নিশ্চিত পতনের দিকে। বিশেষত তার ঐশ্বরিক অভিজ্ঞতা যে তার মনোবিকারের চরম পর্যায় এ বিষয়ে আমার কোনো সন্দেহ ছিল না। এই জন্যই আমি তার স্মৃতি ও স্বপ্নের জগৎ সম্পর্কে আগ্রহী ছিলাম।

মনীশের নোটবুক

অর্ফিউস সম্পর্কে একজায়গায় পড়লাম, শেষপর্যন্ত আত্মার মর্দত্তি হচ্ছে স্মৃতির

পদ্য বর্ণা নেমোসাইনির জল পান করায়। এক মৃত্যুর ভিতর থেকে অন্যমৃত্যুতে, এক জন্ম থেকে অপর জন্মে ভেসে যেতে যেতে আত্মা তার পবিত্রতা রক্ষা করতে পারে যদি সে বিস্মৃত না হয় কখনো, যদি তার স্মৃতি থাকে জাগরুক। মৃত্যুর পরে যদি এই হয় তাহলে মৃত্যুর আগেও তাই, অর্থাৎ একবার পেছন ফিরে গোটা জীবনকে দেখে নেয়া, স্মৃতিতে। টেবিল ল্যাম্পের নিচে গ্লোব কত ছোটো, কিন্তু স্মৃতিতে কী বিশাল, যেন অন্তহীন। বোদলেয়ারের ‘ভ্রমণ’ কবিতাটি শব্দে হচ্ছে এভাবে। আর বোহের্সের গল্পেও পড়েছিলাম, ফ্যারিং স্কোয়াডের সামনে দাঁড়িয়ে একটি লোক পাঁচ মিনিটের মধ্যে তার গোটা জীবনকে দেখে নিচ্ছে। গোটা জীবনকে দেখে নেয়া সম্ভব নয়। বিশেষত যদি স্বপ্ন ও স্মৃতির কথা ভাবি। কাল রাতে দুবার একটি প্লেনে চড়ার স্বপ্ন দেখলাম। আজ সকালে খবরের কাগজ খুলে দেখি ভরাবহ বিমান দুর্ঘটনার সমস্ত যাত্রীর মৃত্যু। এ-দুয়ের মধ্যে কোনো যোগাযোগ আছে কিনা জানি না, স্বপ্নে আমার প্লেনে চড়ার কোনো গোলযোগ হয়নি। খুব নিরাপদে চমৎকার ভাবে ওঠানামা করেছে। কিন্তু মর্শাকিল হচ্ছে প্রতিদিনের স্বপ্ন মনে থাকে না। এখন প্রায় দিনই রত্নকে স্বপ্নে দেখছি। রত্নের সঙ্গে সম্পর্ক ভেঙে যাচ্ছে বলে? রত্নের সঙ্গে প্রায়ই ঝগড়া; চলে যেতে বলছি, নিজেকে বলছে চলে যাবে। আমিও বলছি সব শেষ করে দেবো, কিন্তু কিছুই শেষ হচ্ছে না। এই অসুখ থেকে আমার রেহাই নেই, মৃত্যু, ভরাবহ মৃত্যুযন্ত্রণার দিকে এগিয়ে চলছি, এ রোগের কোনো চিকিৎসা নেই, আরোগ্য নেই। রত্ন তবু যাবে না। অথবা এ-ও হতে পারে আমি রত্নকে ছাড়তে চাইছি না। রত্নকে ছেড়ে দিলেই রত্ন চলে যাবে। মৃত্যুর কথা মনে হলে অবশ্যই মার কথা মনে পড়ে। মৃত্যুর আগের মনোবিকার-ভয়ঙ্কর। সরোজ বলে, আমি বিকারগ্রস্ত। আমি অস্বীকার করি না। তবু সরোজকে আমি স্বাভাবিক ভাবি, যদিও সরোজ, আলাপ হওয়ার বহু আগেই, মার্গারেটকে স্বপ্নে দেখে। অবশ্য স্বপ্নে ঠিক মার্গারেট নয়, একটি বিদেশী কিশোরীকে তার দিকে অনেকটা শাগাল-এর ছবিতে যেমন দেখা যায় সেভাবেই ভেসে আসতে দেখে সে। এর বহুবছর পর ভবতোষ যখন তার স্ত্রী অর্থাৎ মার্গারেটের সঙ্গে আলাপ করিয়ে দেয় তখনই চিনতে পারে সরোজ, আরে একে তো সে স্বপ্নে দেখেছে! আমার মেজোমেসোও তাই। মেজো-মাসীকে নাকি স্বপ্নে দেখেন, তারপর রাত্তায় আলাপ। আমি যাদের স্বপ্নে দেখি তাদের সঙ্গে রাত্তায় কখনো দেখা হয় না।

শেষবার মার্গারেট ক-দিনের জন্য এখানে এসে চলে যায়। সরোজ আমাকে এয়ার-পোর্টে নিয়ে গেছিল। গভীর রাতে প্লেন। মাঝে মাঝে হু-হু হাওয়ার সঙ্গে গম্ভীর জেটের শব্দ। ঘুরন্ত সার্চলাইটের আলো। মার্গারেটদের প্লেন আসতে এখনো দৌঁর। সামনেই একটা বিদেশী প্লেন ছাড়ছে, তার ঘুরন্ত লাল আলো দপ্‌দপ করে জ্বলছে নিভছে, অনেকটা হৃৎস্পন্দনের মতো। মার্গারেট হঠাৎ আমায় ডাকলো—‘মনীশ, এদিকে শোনো—।

আমি এগিয়ে গেলাম । মার্গারেট বলল, ‘আমি সরোজকে চিঠি দিলে ও উত্তর দেয় না কেন?’ আমার যা মাথায় আসে তাই বলি, ‘হয়ত উত্তর দেয়নি বলে আজ তোমরা বন্ধুতে পারছ, কে কোথায় দাঁড়িয়ে আছ।’

‘তুমি ওর খবর জ্ঞানিয়ে চিঠি দেবে?’

‘দেব।’

ঠিক আছে।’

মার্গারেটকে খুশি দেখায়। আমি লক্ষ্য করি ভবতোষ একটু বেশি মনোযোগের সঙ্গে কক্ষিতে চুমুক দিচ্ছে। একটু পরেই ওদের প্লেনের ডাক এলো। ওরা এগিয়ে যায়। আর দেখা হয় না। ওদের প্লেন ছাড়ার আগেই আমি আর সরোজ, নমিতাদের গাড়িতে চেপে নমিতাদের ফ্লাটে যাই। গাড়ি চালাচ্ছিল নমিতার স্বামী বিনোদ। চমৎকার ছেলে। পাঁচ পেগে সামান্য নেশা হয়। সে রাতে বিনোদ আমাদের অবিরাম স্কচ সরবরাহ করে গেল। ওদের অসুবিধে নেই, ওরা কাস্টমসের লোক। শেষ রাতের দিকে যখন এমনকি বিনোদও নেশাগ্রস্ত, তখন কী আশ্চর্য নমিতা আমাকে একপাশে ডেকে বলল, ‘তোমার কী মনে হয় মনীষ, সরোজ সত্যিই মার্গারেটকে ভালোবাসে?’

আমি নেশাগ্রস্তের মতো হেসে বলি, ‘তোমার কি মনে হয় নমিতা তুমি ভবতোষকে ভালোবাস?’

এই সময় বিনোদ হা-হা করে হেসে উঠে বলে, ‘কী যে ভালোবাসাবাসির কথা তোমরা বলে চলেছ।’

নমিতা ধীরে দাঁড়িয়ে বলে, ‘চুপ কর বিনোদ, তোমার নেশা হয়ে গেছে।’ বিনোদ উঠে বারান্দার দিকে চলে যায়। সরোজ এবার কাছে এসে কিছুটা জড়িত গলায় বলে, ‘তোমার কি মনে হয় নমিতা একরাতে একজীবনের ভালোবাসাবাসি সম্ভব?’

নমিতা মদ্যুত্তের মধ্যে ছিটকে সরে যায়। আমার মনে পড়ে ভবতোষ, তার বিয়ের আগে যেবার এখানে আসে, সেবারই এক বন্ধুর বাড়িতে রাগির নেশার টানে, নমিতার সঙ্গে একই ঘরে রাত কাটায়ে। তারপরের দিন ভবতোষ চলে যায় রাতের আটল্যান্টিকের দিকে, আন্তর্জাতিক তারিখের খা পেরিয়ে, মার্গারেটকে বিয়ে-ও করে ফ্যাংলে সে, কিন্তু নমিতা এখনো ভোলেনি সেই রাতের কথা, ভবতোষকে নিয়ে এখনো তার মনে প্রশ্ন আছে, বিনোদ তখন ছিল লাডাকের এক সীমান্তবর্তী গাঁ-এ। ষে-সময় জনহীন, ঘটনা-হীন, ইতিহাসহীন, সেই শূন্য সময়ের ভিতর একের পর এক হঠাৎ ঘটনা এসে হাজির হয় ভোরের সমুদ্র-দিগন্তে হঠাৎ উঠে আসা একঝাঁক নৌকোর মাস্তুলের মতো; আর তারপর থেকে প্রতিটি ঘটনা তার নির্দয় ক্ষমাহীন পারদর্শ্য অনুসরণ করে এগোতে থাকে উপকূলের দিকে যতক্ষণ না বালিয়াড়ির দিকে পৌঁছোয়, যতক্ষণ না নিজের পাটাতনের গর্ত খুলে ভাঁড়ারের অন্ধকার থেকে বের করে আনে সমুদ্রের ভিতর থেকে তুলে আনা তার মাছের ঝাঁক, তার শিকার। সরোজ তার স্বপ্নে দেখা কিশোরীর কথা

ভুলে গেছে। সরোজ তার স্বপ্নের কথা-ও সোঁদিন অস্বীকার করল।

যা তার জীবনে ঘটছে, সবই নাকি জাগ্রত অবস্থায়।

লেখকের বক্তব্য

আমার জীবনে স্বপ্নের প্রভাব কম। মনীশের উপরোক্ত অংশ পড়ে বুঝতে পারছি, ঘটনা একভাবে ঘটেছে আর তার ব্যাখ্যা অন্যভাবে দিয়ে চলেছে মনীশ। হ্যাঁ, মার্গারেটকে দেখার বহু আগেই আমি প্রায় কিশোর বয়সে একটি বিদেশী কিশোরীকে স্বপ্ন দেখি, যার মূখ আমার মনে না-থাকলেও মার্গারেটকে দেখামাত্রই তার কথা মনে হয়েছিল। কিন্তু তার মানে এই নয় যে মার্গারেটের খবর, তার সাক্ষাতের বহু আগেই কেউ আমাকে স্বপ্নে পেঁাছে দিয়েছে, এমন কোনো জগৎ থেকে, যা লৌকিক নয়।

নিশ্চয়না, নিস্তর্জান মনের অস্তিত্বে আমি বিশ্বাস করি না। রহস্যে আমার বিশ্বাস নেই বা বিশ্বাস করলেও রহস্য হচ্ছে আমার কাছে প্রকাশ্য দিবালোকে খুন হওয়ার মতো, যার, একের পর এক সূত্র খুঁজে বের করে, কিনারা করা সম্ভব। এ বিষয়ে আমি সার্ভের সঙ্গে একমত।

মনীশ যে অবিকল স্মৃতিচারণার মধ্য দিয়ে আত্মার মূর্ত্তি খুঁজছে, তা হাস্যকর। প্রথমত তার স্মৃতিচারণায় যথেষ্ট ভেজাল আছে, দ্বিতীয়ত এক জন্ম থেকে অপর জন্মে, এক মৃত্যু থেকে অপর মৃত্যুর দিকে ভেসে যাওয়া...? না, একজীবনে কাপদুরদুরাই বেশ কয়েকবার মারা যায় শুনোঁছি, আর মিথ্যাবাদীরা বেশ কয়েকবার জন্মায়। কিন্তু একথা সত্যের খাতিতে মানতেই হবে যে মনীশ মিথ্যাবাদী ও কাপদুরদুরা ছিল না। তাহলে? সম্ভবত মনীশ ভুলবশত স্মৃতির পদ্যবর্ণনা নেমোসাইনীর জল পান না-করে বিস্মৃতির নদী লিদির জল পান করে ফেলেছে। হায় অর্ফিউস!

মনীশের নোটব্লক

সর্বনাশ হয়েছে, সত্যি-ই অনেক কিছুর ভুলে যাচ্ছি। একদা ওয়াশিংটনের বেঞ্জামিনের প্রস্তুত সংক্রান্ত লেখায় পড়েছিলাম যে-স্মৃতি কাউকেই বলা যায় না, সেই স্মৃতি দু-দুন্ডের আলাপে ট্রেনে বলে দেয়া যায় এমন সহযাত্রীকে, যার সঙ্গে জীবনে আর কখনো দেখা হবে না।

প্রস্তুতবদরা, গ্রীসে, প্রাচীন সমাধিগম্বীরের ফলকের গায় ঘেসব অর্ফিক শোকগাথা খুঁজে পেয়েছেন তার একটি উল্লেখ করছি :

মৃত্যুপদুরীর বাঁদিকে পাবে একটি ফোয়ারা

ঐ ফোয়ারার পাশেই আছে একটি শাদা সাইপ্রেস গাছ

এদের কাছাকাছি যেওনা

কিন্তু আরেকটি ফোয়ারা পাবে স্মৃতির হৃদের পাশে
যার ভিতর থেকে বেরিয়ে আসছে শীতল জলধারা
তার সামনে আছে প্রহরীর দল
সেখানে গিয়ে বুলো, আমি পৃথিবী ও নক্ষত্রলোকের সন্তান,
বলো : আমি মর্ত্য ও স্বর্গের সন্তান,
যদিও জাতির দিক থেকে আমি স্বর্গবাসী দেবসম্প্রদায়ের লোক
তৃষ্ণার্ত আমি
স্মৃতির হৃদের পুণ্য জলধারা আমাকে দাও
তারা তখন তোমাকে সেই শীতল জলধারায় তৃষ্ণা মেটাতে দেবে

এই নেমোসাইনির জলধারা আমার চাই। কাল থেকে রাতের সমস্ত স্বপ্ন ভোরবেলায়
উঠে চেষ্টা করব মনে করতে। কাল থেকে সকালে যেন কেউ আমার না-ডাকে।
আরাতকে বারণ করে দেব। একেবারে শৈশবের কিছন্ন স্মৃতি খুঁজে দোঁখ, হাতড়ে দোঁখ,
হয়ত তাহলে আমার পরিণাম বদ্ব্যতে পারব। বীজের মধ্যে যেমন গাছ, তেমনি শৈশবের
স্মৃতির মধ্যে কোথাও হয়ত আমার পরিণাম লুকিয়ে আছে।

কিন্তু আশ্চর্য! বস্কমবাবু, কৃষ্ণকান্তের উইলের শেষে রোহিণীর মৃত্যু ও
গোবিন্দলালের অন্তর্ধানের পর যখন বারুণি পদুস্কারিণীর সংস্কার সাধন করলেন তখন
ভ্রমরের স্মৃতি-মন্দিরের আশেপাশে উইলো ও সাইপ্রেস গাছ পোঁতা হল। উইলোর
উল্লেক্ষমাত্র হ্যামলেটে ওফেলিয়ার কথা মনে পড়ে। বোধহয় উইলো গাছের নিচেই জলের
ভিতর থেকে ভেসে উঠেছিল ওফেলিয়ার শব, আর সাইপ্রেস গাছ ?

অফিস কিংবদন্তীর স্মৃতিচারণ, মৃত্যুপূরীর-শোকচিহ্ন? কিন্তু স্মৃতি একসঙ্গে
অবিকল ধরা পড়ে না। ছেঁড়াখোঁড়া, ছিন্নভিন্ন হয়ে সে ছড়িয়ে থাকে চারদিকে। দোঁখ
তার কিছন্ন টুকরো উদ্ধার করতে পারি কিনা।

লেখকের বক্তব্য

আমি জানি অবিকল স্মৃতিচারণ অসম্ভব। পরাজিত ব্যক্তিদের সান্ধ্বনা পদুস্কার
দরকার হয়। ঠিক আছে মনীষ তাই নিয়ে খুশি থাক।

মনীষের নোটবুক

স্মৃতির কথা ভাবতে গিয়ে ‘সময়’ নিয়ে যেই ভাবছি, অগ্নি গণ্ডগোলে পড়ছি।
একটা বৈজ্ঞানিক ভিত্তি থাকলে বোধহয় সন্নিবেহ হয়। অতএব কিছন্ন আনাড়ির মতোই
ভাবার চেষ্টা করছি। শূন্যে কি বিশ্ব সৃষ্টি হওয়ার আগে অনন্ত বা কালহীন, থাকতে

পারে, কিন্তু 'সময়' ছিল কি? বৈজ্ঞানিকরা বলছেন, না, সময় ছিল না বা তার আগে সময়ের কথা বলা নিরর্থক। তাই তাঁদের মতে বিশ্ব সৃষ্টি হওয়ার আগের মুহূর্তটি O-T বা শূন্য সময়। তবু কিছু নাছোড়বান্দা বিজ্ঞানী আছেন, যারা সময়ের আগে-ও সময়ের কথা ভাবেন। কেন ভাবেন? কী ভাবে ভাবেন? বিস্ফোরণের পর তার টুকরোগুলো যেমন চারদিকে ছাড়িয়ে ছিটিয়ে পড়তে থাকে তেমনই মহাবিশ্ব কেবলই চারদিকে প্রসারিত হয়ে চলেছে, কিন্তু এটা তখনই সম্ভব যদি বিশ্ব আদিতে একটি বিন্দু থেকে শুরুর হয়। শোনা যায় আইনস্টাইন নাকি এরকমই ইঙ্গিত করেছিলেন, আর সেই ইঙ্গিত অনুসরণ করে দু-জন ইংরেজ বৈজ্ঞানিক রোজার পেনরোজ ও স্টিফেন হকিং অঙ্ক দিয়ে প্রমাণ করলেন বিশ্ব শুরুর হয়েছে একটি অতি সূক্ষ্ম বিন্দু থেকে যার ভিতর এখনকার বিশ্বের সমস্ত ভর (mass) ও শক্তি পোরা। ফলে এক অকল্পনীয় ব্যাপার, ওখানে নাকি বিজ্ঞানের কোনো নিয়মই খাটে না। স্থানকালের জ্যামিতি নাকি ওখানে অনন্ত বক্রতায় তখনচ হয়ে গেছে। তাই বিজ্ঞানীরা আবার শুরুর করলেন নতুন করে ভাবতে, এবার বিন্দুর জায়গায় এলো বৃন্দবদ বা বাবল! হকিং নিজের তত্ত্ব নিজেই পরিত্যাগ করে বৃন্দবদ তত্ত্ব নিয়ে মাতলেন, কেননা এখানে বিজ্ঞানের নিয়ম খাটে। কিন্তু এ তত্ত্ব-ও ঠিকমতো দাঁড় করানো যাচ্ছে না। তবু শূন্য সময়ের আগে সময় থাকতে পারে আর তা নিয়ে ভাবা হচ্ছে, এটা ভাবতেই মজা লাগে তবে এ সমস্যার নাকি এক অভিনব সমাধান হাজির করেছেন হকিং, বলছেন, আদিতে বিন্দুও ছিল না, বৃন্দবদও ছিল না, ছিল শুধু এক স্থান-কালের বর্তুল আভাস। ফলে বিশ্বের কোনো স্থান-কালের সীমান্ত নেই, কাল্পনিক সংখ্যা দিয়ে কাল্পনিক সময় মাপলে এ সমস্যার সমাধান হবে, যদিও বাস্তব সময়ে বিশ্বের শুরুর ও শেষ আছে। এখন প্রশ্ন হচ্ছে কোনটা বেশি বাস্তব? কাল্পনিক না বাস্তব সময়? নাকি স্মৃতির সময়টা বেশি বাস্তব? ফের বোদলেয়ারের কবিতা মনে পড়ছে, ... টেবিল ল্যাম্পের নিচে গ্লোব কত ছোটো, কিন্তু স্মৃতিতে, কল্পনায় কী বিশাল, যেন অন্তহীন, ... এখানেই স্মৃতির একটা ষড়যন্ত্র লক্ষ্য করছি, বইয়ে দেখতে পাচ্ছি ঠিক এর উল্টো : টেবিল ল্যাম্পের নিচে মনে হয় পৃথিবী কী বিশাল, আর স্মৃতিতে মনে হয় কত ছোটো :

How big the world by lamp light does appear

How small the world is in our memory

সর্বনাশ! ভুলে যাচ্ছি, অনেক কিছু ভুলে যাচ্ছি। কেন ভুলে যাচ্ছি। কেন প্রতারণা করছে স্মৃতি, স্মৃতি কি প্রতারণা? বিস্মৃতির অন্ধকার নদী লিদির সর্বনাশা টান বড় ভরৎকর, ফের বোদলেয়ারের 'লিদি' কবিতায় দেখতে পাচ্ছি :

I know of nowhere like your bed's abyss

To swallow up my agony, now gone ;

Upon your lips dwells great oblivion,

And Lethe flows on in your every kiss.

লিদি তাহলে নারী, যার শয্যার গল্পের আছে সমস্ত কণ্টের শেষ, ওষ্ঠে আছে মহাবিস্মরণ,
আর চন্দ্রবনের প্রবাহে আছে অন্ধকারের স্রোত ।

In petticoats all fragrant with your scent

Bury my aching and uneasy head

And breathe in, like a flower long since dead

The musty sweetness of my love now spent

যার অন্তর্বাসের স্দৃগন্ধে পীড়িত মাথা ডুবিয়ে রেখে বহুক্ষণ আগে মৃত বাসি ফুলের
মিষ্টি গন্ধের মতো সদ্য খরচ হ'য়ে যাওয়া প্রেমের স্মৃতি, নিঃশ্বাসের সঙ্গে মিশিয়ে
নেয়া যায় ।

তবু নারী বিস্মরণ নয় । অনন্ত লীলা তা ছিল না, রুদ্র-ও নয় । তবু একথাও
ঠিক, নারী শরীরে যে অন্ধকার আছে, তাতে ডুবে যাওয়া যায়, ঘুম বিস্মরণ ও নৈঃশব্দের
সর্বশেষ স্তর ছুঁয়ে বোঝা যায়, এ এক অনন্ত মৃত্যুর দরজা যা খুলে দিলে মাতৃগর্ভের
আশ্রয় হয়ত-বা মেলে । ফলে মাতৃগর্ভের স্মৃতি কিছু আছে কিনা তা-ও ভেবে দেখতে
হয় । কোনো কোনো মনোবৈজ্ঞানিক যেমন লেইং বলছেন, আছে । মাতৃগর্ভের
স্মৃতি ধরা আছে উপকথায় কিংবদন্তীতে, আর স্নপে । মোজেস বা কর্ণের জন্মবৃত্তান্তের
মূলে আছে মাতৃগর্ভের স্মৃতি । কিন্তু সে কথা পরে, কেননা মাতৃগর্ভের-ও আগে,
মৃত্যুর পরের কোনো স্মৃতি আছে কিনা, একথা-ও তাহলে ভেবে দেখতে হয় । মৃত্যুর
পরের স্মৃতি নিয়ে গবেষণা করেছেন স্ট্যানিস্লাভ গ্রাফ । স্নে-ও বড় অদ্ভুত । থাক সে
কথা । আগে দেখা যাক শৈশবের সবচেয়ে আগেকার কোন স্মৃতি মনে করতে পারি...

খুব ঝাপসাভাবে মনে পড়ে ঠাকুয়ার কোলে চেপে কলকাতার একটি রাস্তা দিয়ে
চলছি, হঠাৎ শাইরেন বাজল, রাস্তায় লোকজন ছুটছে, ঠাকুমাও দ্রুত হেঁটে, বোধহয়
বাড়িতে । দোতলার খোলা ছাদ, সেখানে চেয়ারে বসা ফর্সা চেহারার হস্টপন্ট একজন
প্রোড় । কে তিনি, মনে নেই । একটা ঝাঁকড়াচুলো ধূসরসাদা বড় বড় লোমভরা আদুরে
কুকুর, একজন অত্যন্ত ফর্সা চেহারার রূপবান তরুণ, বাবা ? না কাকা ? জানি না ।
অস্পষ্টভাবে মনে পড়ছে সবুজ রঙের ছাদখোলা দোতলা বাস, আবার একতলা সবুজ
রঙের প্রাইভেট বাসের জানালার ওপরের নীল বা সবুজ কাচের ভিতর দিয়ে বাইরের
চলমান রাস্তাঘাটের বেশ মায়াবী দৃশ্য, আবার একসময় কোথায় যেন দেখছি রাস্তায়
ট্যাক্সি... তারপর অনেকটা জুড়ে কিছুর নেই, সিনেমার ফিল্ম ছিঁড়ে গেলে যেমন হয় ।
ফের আরেকদিন, সন্ধ্যার বা রাতের ট্রেনে মার সঙ্গে অপরিচিত এক স্টেশনে নেমে ঘোড়ার
গাড়ি চেপে এগোতে থাকা কাঁচা রাস্তা ধরে । ঘোড়ার খুরের শব্দ, চাবুকের আওয়াজ,
ধীরে ধীরে কিছু বাড়িঘরদোর ও রাস্তা ঘুরে একটা প্রাণান্ধকার গলি, যার একপ্রান্তে
জ্বলছে কেরোসিন ল্যাম্পপোস্টের আলো, তার সামনে সাদা রঙের প্রকাণ্ড একটি বাড়ি,

তার গোল বারান্দা, তার একতলা থেকে ছাদ পর্যন্ত কাচের জানালার সার। এই বাড়িতেই ঢুকলাম। ঐ কাচের জানালার সারের কথা আজো মনে আছে। এইবার আরো অনেক কিছু পর পর মনে পড়বে, সেসব আমি বলে যেতে পারি, বলবও। কিন্তু আজ নয়। এত ছোটবেলার কথা বলতে ভালো লাগে না। কেবল আগেকার ঐ ব্যাপশা স্মৃতি থেকে বদ্বাতে পারছি, বাবার মৃত্যুর পর মা, আমাকে নিয়ে কলকাতা থেকে ট্রেনে চেপে মফঃস্বল শহরে মামাবাড়িতে ফিরে এলো। মার এখানেই মৃত্যু। রমণীমোহনদার গ্রামের বাড়িতে তিনদিন বেড়িয়ে আসার খেসারত। কীভাবে এই লোকটির সঙ্গে মার আলাপ তা বলার দরকার নেই; ও আগেই এসেছিল, সম্ভবত মেজমাসীর টানে। তারপর বয়সে বড়, মার সঙ্গে আলাপ ও পরে ঘনিষ্ঠতা। ডাক্তার 'দিদি' বলে। ফলে যে ঘরে আমি কেরোসিন টেবিলল্যাম্পের আলোর সামনে বসে পড়ার বইয়ের নিচে লুকিয়ে রেমার্কের 'তিনবন্ধু' পড়ছি, সে ঘরেই আমার পেছনদিকের খাটে বসে দু'জনের গল্পগদ্যব। মাঝে মাঝে নিচু গলার আলাপ, গাঢ় নিঃশ্বাস, এ সবকিছু কানে এলেও কিছু বুদ্ধিনি। কিন্তু এরপর নাইট শো-তে দু'জনের সিনেমা দেখা, খুবই খারাপ লেগেছে। তবু তখনও নয়। বোধহয় কিছুটা বদ্বাতে পেরেছিলাম যখন বিকারের ঘোরে মার প্রলাপে দু'জনের অন্তরঙ্গ দৃশ্যের কিছুটা ভেসে আসে। অমানুষিক কণ্ঠে, অপমানে মার দু'হাত বেঁধে রেখে মার মৃত্যুর দিকে তাকিয়ে আমি চিৎকার করে কাঁদতে চাইতাম, কিন্তু পারতাম না, কেবল প্রাণপণ দাঁতে দাঁত চেপে ঠোট কামড়ে নিজেকে সামলাতাম, কিন্তু দু'চোখ ছাপিয়ে জল ভরে উঠত। হা ঈশ্বর!

আজ আর আমি সেই কণ্ঠ পেতে চাই না, অথচ ঐ একই কণ্ঠ লীলা আমায় দিয়েছে, রদনু দিয়েছে। দু'জনেই দ্বিতীয় সম্পর্ক তৈরি করেছে। অপর পুরুষের দিকে চলে গেছে। আমি পড়ে আছি, ডাস্টবিনে পরিভ্রান্ত অবৈধ শিশুর মতো। বোধহয় বিনয়ের কবিতার একটি লাইন থেকে এই উপমা মনে পড়ল। বিনয়ের নিজের রহস্যলোক আছে, বোধহয় গণিত ও কবিতায়। আমার কিছু নেই, শেষ ট্রেন চলে যাওয়ার পর রাতের প্ল্যাটফর্মে বসে থাকা ভিথারির মতো আমি শূন্য চোখে তাকিয়ে রয়েছি, কোনো আশা নেই, আকাঙ্ক্ষা নেই, কিছু নেই। কেবল ভিতর থেকে মাথা, অসাড় হয়ে আসছে। তাহলে বেঁচে আছি কী করে? এখানেই একটা মজার ব্যাপার ঘটছে। যখন সমস্ত হিসেবনিকেশ ভেঙে প'ড়ে মনও তখন হয়ে ভেঙে পড়ছে, যেন একটা দানবিক মেশিন ভেতর থেকে চুরমার হয়ে যাচ্ছে, তখনই সবকিছু ভেঙে যাওয়ার পর, সমস্ত আশা, ইচ্ছা, অনিচ্ছা, ভেঙে গর্দভিয়ে যাওয়ার পর, হঠাৎ যেন ভেসে উঠি জলের উপর, জানিনা কীভাবে একের পর এক ঘটনা ঘটছে, আর তারই ধাক্কায় ভেসে চলেছি, খুব ছোট ছোট ঘটনা, যেন বলা যায় অতিপরমাণুর স্তরে কিছু একটা ঘটছে...

একটি অতিপরমাণুর স্থান-কালের ভিতর দিয়ে চলে যাওয়ার পথ কে বলা হয় ওয়াল্ড লাইন বা বিশ্বরেখা। এরকম পর পর বা পাশাপাশি বেশ কয়েকটি কণিকা

ভেসে চলেছে, তাদের পরস্পরের মধ্যে আলো পেঁছতে পারলেই যোগাযোগ হবে, কিন্তু তাদের ভিতর যদি এতটাই দূরত্ব থাকে যেখানে আলোও পেঁছতে পারে না, বা অন্যভাবে বলা যায়, যাদের মধ্যে এমনই দূরত্ব যে আলোর চেয়ে দ্রুতবেগে খবর পাঠালে তবেই যোগাযোগ হবে,—সেখানে যদি দেখা যায় যোগাযোগ হচ্ছে, তাহলে বুঝতে হবে পরমাণুরা পরস্পরের মধ্যে খবর পাঠাতে পারে, তারা ‘অচেতন’ নয়, তাদের ‘চেতনা’ আছে। একে কোয়ান্টামবলবিদ্যার ভাষায় বলা হয় পরমাণুর অনৈসর্গিক (বা অলৌকিক ?) যোগাযোগ (Non local connection)। সেরকম কোন ঘটনা কি ঘটছে কোথাও, সেরকম কি কোনো সদৃশ এলাকা থেকে খবর আসছে ? জানিনা বুঝতে পারছি না, কেবল লক্ষ্য রাখতে হবে খুব ছোটখাটো ঘটনার ওপর। কেন এই মূহুর্তে আমি এই লাইন বা এই বাক্য লিখছি, কেন অন্য সময়ে, এই একই জায়গা থেকে শূন্য করলে অন্য বাক্য লিখতাম, তার নির্দেশ কোথায় আছে, তার সংকেত কোথেকে আসছে ? যখন আমি সঙ্গে থাকি না তখন রুই কী করে, নব্বীর সঙ্গে কোথায় যায়, কী কথা বলে, তা কি আমি জানি, তা কি আমি জানতে পারব ? জানা যেতো যদি আমি অবিরাম ওদের দু’জনকে নজরে রাখতাম, কিন্তু তাহলে যা আমি দেখতাম, তা-ই জানতাম, কিন্তু যখন আমার দৃষ্টির বাইরে ওরা থাকত—কোনো না কোনো সময় তা তো থাকবেই—তখন কী ঘটতো, তা আমার চিরকালের জন্য জানার বাইরে। আর এখানেই গাউগেল। পরমাণুর মতোই এ-ও কেবল ‘দেখা’র সময় জানা যাবে ‘আছে’, কিন্তু দেখার আগে পর্যন্ত আছে কি নেই, থাকলে কোথায় আছে, কিছই নিশ্চিতভাবে বলা যাবে না, এই অনিশ্চয়তা নিয়েই বেঁচে থাকতে হবে, ‘মন’ থাকার খেসারত এই। এসব ফের ভাবতে হবে, আরো ভাবতে হবে।

লেখকের বক্তব্য

এত ফালতু ব্যাপার নিয়ে ভাবার যে কী দরকার, তা বুঝি না। অবশ্য আসল ব্যাপার হচ্ছে ‘সন্দেহ’, আর ‘হিংসা’। মনীশের স্মৃতি যে প্রতারণা তা বোদলোয়ারের কবিতা থেকে আগেই প্রমাণ হয়েছে। ‘সময়’ ও ‘পরমাণু’ সম্পর্কে ওর বাগাড়ম্বর হাস্যকর, পপুলার সায়েন্সের বই পড়ে কিছু চালু ধারণা এদিকওদিক লাগালেই তার ভিত্তি ‘বৈজ্ঞানিক’ হয় না। আমি বাজী ফেলে বলতে পারি মনীশ অন্ধ জানে না। আর অন্ধ না জেনে বিজ্ঞান নিয়ে কথা বলা, বিশেষত আধুনিক বিজ্ঞানের জটিল সব তত্ত্ব নিয়ে কথা বলা নেহাতই হাস্যকর। তারপর আবার আধুনিক বিজ্ঞানকে অধ্যাত্মবাদের পক্ষে দাঁড় করানোও একটা ছেলেমানুষী ব্যাপার। এ চেষ্টা আগেও হয়েছে। তারপর বৈজ্ঞানিক সিদ্ধান্ত বা আবিষ্কার থেকে দার্শনিক সিদ্ধান্তে পেঁছানোও খুব একটা নিরাপদ নয়। তবে মনীশকে আটকাতে কে ? সে আর যাই হোক দেবদূত নয়। কোয়ান্টাম মেকানিক্সের

নন লোকাল কানেকশন নিয়েও দেখছি মনশী কথা বলছে, যদিও এর বিরুদ্ধে আপত্তি জানিয়েছেন, স্বয়ং আইনস্টাইন।

মনীশের নোটব্লক

আমি গণিত জানি না। কিন্তু গণিত না জানলেই বিজ্ঞান সম্পর্কে বা আধুনিক বিজ্ঞানের কয়েকটি মূল অনুসন্ধান, পর্যবেক্ষণ, বা সিদ্ধান্ত সম্পর্কে কথা বলা যাবে না এমন নয়। বস্তুতপক্ষে ছবি আঁকা বা কবিতার মতোই গণিত একটি ভাষা, যার উদ্দেশ্য হচ্ছে সত্তার মূল বা আদিম কোনো স্তর বা ভিত্তিভূমি আছে কিনা তা খুঁজে দেখা। গণিতের অজুহাতে যারা বিজ্ঞানকে সাধারণের কাছ থেকে দূরে সরিয়ে রাখতে চান, তাঁরা নিজেদের মনে করেন 'সত্যের' একচেটিয়া কারবারী, তাঁরা প্রকৃতপক্ষে বিজ্ঞানের মূল অনুসন্ধান কী তা জানেন না, বা জানলেও তা গোপন করতে চান। এঁরা এক ধরনের পদুরোহিততন্ত্র কায়ম করতে চান। আর বৈজ্ঞানিক পর্যবেক্ষণ থেকে দার্শনিক সিদ্ধান্ত বা ধ্যানধারণায় পৌঁছেন তো একটি স্বাভাবিক ব্যাপার। বিজ্ঞানের দর্শন বা ফিলসফি অফ সায়েন্স বলে একটি বিষয় আছে, তা কি সরোজ জানে না? এ ছাড়া বহু বৈজ্ঞানিকই প্রাঞ্জল ভাষায় তাঁদের বৈজ্ঞানিক ভাবনা ব্যক্ত করে গেছেন। এতে দোষের কী আছে? আইনস্টাইন, জীন্স হাইজেনবার্গ, প্রয়ডিংগার সকলেই। আর স্বয়ং রবীন্দ্রনাথ গণিত না-জেনেও বিজ্ঞান সম্পর্কে লিখেছেন, এতে অপরাধের কী আছে; এমনকি এ শতাব্দীর একজন সেরা বৈজ্ঞানিক ইলিয় প্রিগোজিন তো আইনস্টাইন ও রবীন্দ্রনাথের সাক্ষাৎকার বর্ণনা করে বলেছেন আধুনিক বিজ্ঞান ক্রমশই রবীন্দ্রনাথের 'বিশ্বমানবের ধারণা কিংবা অংশগ্রহণকারী বিশ্বভাবনার দিকে এগিয়ে চলেছে অথচ রবীন্দ্রনাথ বৈজ্ঞানিক ছিলেন না। আইনস্টাইনের একটি অপরিবর্তনীয়, অনড়, কালহীন অনন্ত সত্তার ভাবনার চেয়ে রবীন্দ্রনাথের বিবর্তমান অংশগ্রহণকারী বিশ্বমানবের ধারণাই আধুনিক বিজ্ঞানের অনেক কাছাকাছি।

নীলস বোরের সঙ্গে আইনস্টাইনের ভীষণ ঝগড়া নিয়ে সোঁদন কথা হচ্ছিল সরোজের সঙ্গে। আইনস্টাইনের মতে ননলোকাল কানেকশন (বা অনৈসর্গিক যোগাযোগ) সত্য হলে কোয়ান্টাম মেকানিক্স সত্য, আর তাহলে এটলিপ্যাথও সত্য। নীলস বোর বলেছিলেন যে-দুটি কণিকা বহুদূর থেকে বিচ্ছিন্ন অবস্থায় পরস্পরের মধ্যে খবর পাঠাচ্ছে, তারা একই 'সমগ্র'র অংশ। তাই কোয়ান্টাম বলবিদ্যা সত্য। ১৯৮২ সালে প্যারিসের একটি গবেষণাগারেও এটা প্রমাণিত হলো যে আইনস্টাইনের আপত্তি ভুল। নীলস বোরের কথাই ঠিক। কিন্তু এ সব তো বহু পদুরনো কথা। সকলেই জানে। তবু সরোজ মানে না কেন?

লেখকের বক্তব্য

খুব সোজা ব্যাপার। সকলেই এবিষয়ে এখনো একমত নয়, এই জন্যই যে ওসব মানতে গেলে, টেলিপ্যাথি, ভগবান ও ক্রমে ভূত বা ‘অলৌকিক’ মানতে হয়। ওসব ছাড়াই যখন বিজ্ঞান এগোতে পারে, তখন আরো গবেষণা দরকার। পরীক্ষায় যা-ই প্রমাণিত হ’ক, ওসব না-মনেও দেখা যাচ্ছে বিজ্ঞান দাবী এগোচ্ছে। বরং অন্য কোনো তত্ত্ব বা পরীক্ষা দিয়ে যদি ওসব পাশ কাটিয়ে যাওয়া যায়, তাহলে তাই ভালো।

ইলেকট্রনের চরিত্র কিছুটা অনিশ্চিত, কিন্তু তার মানে ভূত ও ভগবান আছে, এমন কথা মানতে গেলেতো মহামুর্খকিল !

মনীশের নোটবুক

যাক ! সরোজ তাহলে অনিশ্চয়ত মানেন। বোঝে কি ? আমি কি হিংস্র, সন্দেহপ্রবণ ? সেদিন রুনু আমাকে তাই বলল। ওর চোখে মুখে ঘৃণা, বিতৃষ্ণা আর প্রত্যাখ্যান। আমি আরনার রোজ মদ্য দেখি, সেকথা রুনুকে বললাম, বললাম ‘জানি আমি কুৎসিত হয়ে গেছি, বরসের ছাপ, বার্থ্যক্যের ছাপ আমার চেহারায়’। রুনু ক্ষমাহীনভাবে বলে, ‘হ্যাঁ, তোমার চামড়া কুঁচকে গেছে, তুমি তা-ও আমার পেছনে পড়ে আছো কেন ? তোমার লজ্জা করে না ?’

আমি স্তম্ভ হয়ে থাকি। রুনুকে আমি চিনতে পারি না। নবীন ওদের অফিসে কাজ করে। ন্যানেজমেন্টের সঙ্গে দহরম মহরম আছে, সম্ভবত ওদেরই আত্মীয়। সেলসের লোক। অনেক টাকা, দেদার ঘৃষ খায়, কোম্পানীর মাল জালিয়াতি করে বাজারে বিক্রি করে, মেয়েছেলে-ও সরবরাহ করে খদ্দেরদের। হোল্ডা মোটরসাইকেল চেপে ঘুরে বেড়ায়, পেছনে রুনুকে চাপায়, আমি তা দেখেছি বেশ কয়েকবার। ঠিক হিংস্র নয়, অবিশ্বাস ও ঘৃণায় আমি কালো হ’য়ে গেছি। রুনু এর কাছ থেকে টাকা নিয়ে ছোটভাইয়ের জন্য, ওদের অফিসে স্টেশনারী মাল সাপ্লাইয়ের ব্যবসা করেছে ; প্রথম চোটে তিনটে শাড়ি, বিন্দি, চুড়ি, এছাড়াও আরো অনেক ‘গিফ্ট’ যেমন ঘড়ি দিয়েছে রুনুকে, রুনু অগ্নানবদনে সব নিয়েছে। আমি প্রথমে ধরতে পারিনি কী হচ্ছে। চাকরি ছেড়ে দেয়ার পর আমার সব টাকা যখন মজুমদার নামে এক জোচ্ছোরের পাল্লায় পড়ে থোয়া গেল, তখন আমি রুনুকে বললাম, চলে যেতে, রুনু বলল, ‘বললেই কি যাওয়া যায় ?’ আমি ফের বললাম, ‘তুমি চলে যাও রুনু একসঙ্গে দুজনেই ডুবে লাভ নেই, ডুবন্ত লোক সামনে থাকে পায় তাকেই আঁকড়ে ধরে, তাতে তোমার দম বন্ধ হয়ে যাবে রুনু, তুমি পারবে না।’ কিন্তু রুনুর সেই এককথা, ‘যেতে বললেই কি যাওয়া যায় ?’

এরপর আমি বীরেনের পাল্লায় পড়লাম। কারও পাল্লায় বলা ভুল আসলে আমি নিজেরই এক মারাত্মক ভুলের পাল্লায় পড়লাম, হঠাৎ-ই আমার মাথায় এলো, আচ্ছা

রেসের মাঠ থেকে টাকা তোলা যায় না? অনেকেই তো দেখি গোছা গোছা টাকা আনে, যেমন বীরেন। যদি ওর কাছ থেকে কিছু শেখা যায়। বীরেন অবশ্য আমার বোঝালো, ‘রেসের মাঠেও ‘অঙ্ক’ আছে। যদি অঙ্কটা ঠিকভাবে শেখা যায় মনশী, তাহলে তুমি আমার মতোই পারবে। এই যেমন ধরো ঘোড়ার ট্র্যাক রেকর্ড, পৌন্ডিগ্র, হ্যান্ডিক্যাপ, বিশেষত হ্যান্ডিক্যাপটা ভীষণ জরুরি...’ আমি ঐ সব বোঝায় মন দিলাম। কিন্তু টাকা কোথায়? আমার হাতে তো টাকা নেই। এখান ওখান থেকে টাকা চেয়ে আনি, ধার করি। রুনুদর বাবার পেটে ক্যান্সার। টার্মিনাল কেস, তার ওষুধ কেনার জন্য রুনুদর আমাকে সপ্তাহে সপ্তাহে টাকা দেয়। আমি ওষুধের দোকানে টাকা বাকি রেখে রেসের মাঠে গেলাম। হ্যাঁ বীরেনের কথামতো খেলে প্রথম চোটে বেশ কিছু টাকা হাতে এলো। আমি ওষুধের দোকানের ধার শোধ দিলাম, রুনুদকেও বললাম। রুনুদ বলল, ‘ওমা তাই নাকি? তাহলে সকলে যে বলে ওখানে সবাই ফতুর হয়ে আসে।’

আমি-সদ্য বিজয়ীর গর্বে বলি, ‘দুদর ওসব বাজে কথা।’ রুনুদ বলে, ‘তুমি আমাকে ওখানে নিয়ে চলো না’ আমি এবার একটু মর্শাকিলে পড়ে যাই। বলি, ‘না এখন না রুনুদ, আগে একটু ব্যাপারটা দেখে নিই।’

কিন্তু ব্যাপারটা দেখতে গিয়েই আমি গাউগোলে পড়ি। বেশ কিছু হেরে যাই। অবশ্য রুনুদর বাবার ওষুধ আসতে থাকে, কিন্তু দোকানে বেশ কিছু টাকা বাকি পড়ে যায়। রুনুদর মুখে অবিশ্বাসের সামান্য আভাস দেখি। তখনও ঠিক বুঝতে পারি না। রুনুদ এবার বোনাস পায়। বোনাসের প্রায় সব টাকা আমি মাঠে লাগাই, তখন আমার রোখ চেপে গেছে। কিন্তু সবই হারি। রুনুদর মুখ কালো হয়ে যায়। আমি তখনো ভাবছি, একটা সামান্য ভুলের জন্যই এটা হলো। তখনো বুঝতে পারছি না, আমার নেশা হয়ে গেছে। ঐ সামান্য ভুল সকলেই করতে থাকে দিনের পর দিন। তারপর সর্বস্বান্ত হ’য়ে যায়। কিন্তু তার আগেই রুনুদ আমাকে চরমপত্র দিল। একদিন বলল, ‘রোজ রোজ তোমাকে আমি কোথেকে টাকা দেব বলত?’

আমি তখন রোজই, রুনুদর কাছ থেকে কিছু না কিছু টাকা নিই। বাড়ির জন্য, নিজের জন্য, এমন কি কোনো কোনোদিন আমার কাছে চা-খাওয়ার পয়সা-ও থাকে না। রুনুদ তখন প্রায়ই দেরি করে আসে, আমি বাসস্টপে দাঁড়িয়ে থেকে অধৈর্য হয়ে পড়ি। প্রায় ৩০ মিনিট কখনো ৪৫ মিনিট দেরি করে এসে রুনুদ থপ করে আমার হাতে দু-পাঁচ টাকা গুঁজে দিয়ে বলে, ‘ইস্ অনেক দেরি হয়ে গেছে’, বলে চটপট একটা ফিরতি বাসে উঠে যায়। ভালো করে কথাও হয় না। একদিন ভীষণ মরীয়া হয়ে ওকে আমি বলি, ‘তোমার রোজ রোজ এত দেরি হয় কেন রুনুদ? অফিসে কি এতই কাজ?’

রুনুদ এবার তার বাকানো ঠোঁটে রহস্য ঢেলে বলে, ‘না, অফিস না, নবীন আমাকে রোজ মোটর সাইকেল করে পৌঁছে দেয় তো। ওর সঙ্গে তাই একটু বসতে হয়। নইলে অভদ্র ভাববে।’

‘নবীন কে?’ আমি একটু অবাক হয়ে বলি।

‘ও তুমি চিনবে না। আমাদের অফিসে কাজ করে। ভীষণ ভালো। সকলকে ধার দেয়। কিন্তু কারও কাছ থেকে ফেরত নেয় না। অনেক টাকা তো—’

‘মাড়োয়ারি?’ আমি একটু সন্দেহ হয়ে বলি।

‘না, ওরা ইউ. পি.-র লোক।’ রত্ন বললে, ‘ওর চেহারা, কথা, সঙ্গ, এসব আমার খুব ভালো লাগে। ও আমার বন্ধু।’

‘বন্ধু? কই আগে বলনি তো?’

‘এই তো বললাম। আচ্ছা আজ চলি—’ বলে টুক করে একটা বাসে উঠে চলে যায় রত্ন। আমি স্তম্ভিত হ’য়ে দাঁড়িয়ে থাকি।

লেখকের বক্তব্য

আমি কিছুই মন্তব্য করতে চাই না। মনীশ, রত্নের সঙ্গে যা করেছে, তা ক্ষমার অযোগ্য অপরাধ কিনা তা পাঠকই বিচার করবেন। তবে এরপর মনীশের রত্নকে সন্দেহ করার অধিকার আছে কিনা এ বিষয়ে স্বভাবতই প্রশ্নে উঠবে। আমি রত্নের জায়গায় থাকলে বহুদিন আগে আরো নির্দয়ভাবে মনীশের সঙ্গে সম্পর্ক ছেদ করতাম। কিন্তু কী আশ্চর্য, মনীশের মৃত্যুর দিন পর্যন্ত রত্ন তার কাছে ছিল, যখন একে একে সকলেই মনীশকে ছেড়ে গেছে। হয়ত এ-ই প্রেম। কিংবা এও হ’তে পারে রত্ন ঠিক সন্দেহ নয়, এটা তার এক মনোবিকার। ঠিক কী তা আমি জানি না।

অফিস, কোয়ান্টাম মেকানিক্স, প্রেমিকার টাকায় রেসের মাঠ, ভণ্ডামীর একটা সীমা থাকা উচিত!

মনীশের নোটবুক

ইতিমধ্যে পদ্মজা এসে গেছে। তার আগেই রত্নের বাবা মারা গেলেন। নবীন আর রত্ন রোজই হাসপাতালে গেছে। আমি যেতে চেয়েছিলাম, রত্ন আমাকে বারণ করেছিল। অবশ্য তখনো রত্নের বাবা মারা যাননি, তখনো তাঁর যথেষ্ট জ্ঞান ছিল। কিন্তু, কোমায় বেশ কয়েকদিন থাকার পর, রত্ন আমাকে হঠাৎই বলে, ‘তুমি একদিনও দেখতে গেলে না?’

আমি হাসপাতালে গেলাম, গিয়ে দেখি রত্নের বাবা তখনো কোমায় ভিতরই আছেন। রত্ন ব’সে আছে। কিছুক্ষণ পরেই সে বলে, ‘এখনি ভাই, মা, নবীন সকলেই আসবে—’ আমি তার ইঙ্গিত বুঝে উঠে পড়ি।

পরের দিন রত্নের বাসস্টপে আসার কথা। গিয়ে দেখি রত্ন আসেনি। অফিসে ফোন করে জানতে পারি, সেদিনই রত্নের বাবা মারা গেছেন।

দু-সপ্তাহ পরে রত্নকে ফোন করি। সে প্রথমেই বলে, ‘বাড়িতে এলে না কেন?’

‘বাড়িতে?’ আমি বলি, ‘তুমি যে যেতে বারণ করেছিলে।’

‘তা বলে এই সময়ে নয়। যাকগে কেন ডাকছ?’

‘তুমি আসবে না?’

‘ঠিক আছে যাব।’ রত্ন ফোন ছেড়ে দেয়।

নির্দিষ্ট দিনে রত্ন আসে। ইতিমধ্যে কিছু টাকা জোগাড় করে আমি ওর দোকানের টাকা মিটিয়ে দিয়েছি। কিন্তু হাতে আর টাকা নেই। সেদিন রত্ন এসেই অভিযোগ করে আমার কর্তব্যে অবহেলার জন্য। বাড়িতে যেতে যে রত্নই বারণ করেছিল, কেননা বাড়ির লোক আমার চেহারা ও বয়স দেখে ভয়ানক অপছন্দ করবে, এটা ওকে মনে করিয়ে দিলেও ওর রাগ কমে না। ‘এমন কি ঘোষণা এসেছিল,’ সে বলে।

‘ঘোষণা?’ আমি আঁৎকে উঠি।

‘হ্যাঁ, “ঘোষণা। পাগল হ’ক, বদমাইস হ’ক এসেছিলতো।’ রত্ন ক্ষমাহীনভাবে আমার দিকে তাকায়। ‘তাহলে না-গিয়ে ভালোই করেছি। ও তোমাকে একটা চাকরির জন্য সেই ওয়াটসন কোম্পানির পার্সোনেল ম্যানেজারের সঙ্গে শব্দে বলোছিল না?’ আমি ওকে মনে করিয়ে দিই।

‘তার জন্য তো ক্ষমা চেয়েছিল বাবার কাছে। তাছাড়া এসময়ে যে কেউ এসে দাঁড়াতে পারে। একমাত্র তুমিই এলে না। আর নবীন যা করেছে তার তুলনা হয় না। ছুটোছুটি দৌড়োদৌড়ি থেকে শব্দ করে টাকার যখন যা দরকার হয়েছে— সত্যিকারের বন্ধু বলতে যা বোঝায়।’

‘তাহলে তো ওর ঋণ সত্যিই তুমি শোধ দিতে পারবে না।’ আমি বলি।

‘তা ঠিক।’ অন্যমনস্কভাবে ঘাড় নাড়ে রত্ন। সেদিন যে ৩০ মিনিট দেরি করে এসেছে আমি আর তা মনে করিয়ে দিই না।

এইভাবেই বেশ কিছুদিন কেটে যায়। রত্ন বোনাসের টাকা পায়। আমিই নবীনের জন্য শার্ট ও প্যান্টলেংথ পছন্দ করি, বাড়িতে নেমন্তন্ন করতে বলি। ইতিমধ্যে নবীন যে ওর যথার্থই বন্ধু তা-ও আমি বিশ্বাস করেছি। এদিকে আমার বাড়িভাড়া পাঁচমাসের বাকি, মন্দির দোকানে ধার, (আর আমি মাঠে যাই না। তন্দ্রা নেই বরং ফেলেছি, আমার আর কোনোদিনই ওদিকে যাওয়া উচিত না) ইলেকট্রিকের বিলও বেশ কয়েকটা বাকি পড়েছে, ডিসকানেকশান নোটিশ দিয়েছে, আমি মরীয়া হয়ে একদিন রত্নকে বলি, ‘নবীনের কাছ থেকে হাজার খানেক টাকা ধার এনে দাও না, আমি কিছুদিনের মধ্যে শোধ দিয়ে দেব।’ বলি এই ভরসায় যে খবরের কাগজে ইতিমধ্যে বেশ কয়েকটা ফিচার লিখেছি, কিন্তু টাকা পেতে এখনো মাস দুয়েক দেরি।

কিন্তু আমার কথা শুনেনি গম্ভীর হয়ে যায় রত্ন, তার কপালে বিরক্তির রেখা ফুটে ওঠে, সে বলে, ‘ওতো এখন বাইরে চলে যাবে। দেখি ফিরে এলে যদি—।’ আমি আর

কিছুই বলি না। তবে মাঝখানে একদিন রত্নর কাছে একশোটা কা চাই। রত্ন হঠাৎ রাগে ফেটে পড়ে বলে, ‘কী ভেবেছো তুমি, আমি কি কম্পতরু? বাড়ির লোক থেকে শত্ন করে তোমরা সকলেই শত্ন আমার কাছে টাকা চাও?’

আমি স্তম্ভ হয়ে থাই। লজ্জায় ও আত্মগ্লানিতে কালো হয়ে যেতে যেতে লক্ষ্য করি রত্নর মত্থ ঘণায় কুঁচকে গেছে। আর কিছুই বলি না। কিন্তু কিছুদিনের মধ্যে এক শনিবার হঠাৎ রত্ন বলে, ‘না, আজ যেতে পারব না। নবীন লাগে নেমন্ত্রণ করেছে।’ ‘সে কি! কোথায়?’ আমি বলি। উত্তরে একটা কুখ্যাত পাড়ার বার-এর নাম করে রত্ন। আমি ওকে বলি, ‘না, ওখানে লাগে যেও না রত্ন।’ ‘কেন যাব না?’ রত্ন টেলিফোনেই প্রশ্ন করে, ‘তোমার সঙ্গে গেলেই শত্ন চা খাওয়া আর কথা বলা। আমি ‘ফেড্‌আপ’, রত্নর মত্থে ‘ফেড্‌আপ’ শনে আমি সত্যিই স্তম্ভিত হ’য়ে যাই। অনেক সাধ্যসাধনা ক’রে ওকে আসতে বলি। সেদিন থেকে প্রতিজ্ঞা করি ওর কাছ থেকে একপয়সাও নেব না। যে করেই হ’ক আমাকে টাকা জোগাড় করতে হবে।

পরের বৃহস্পতিবার আমি টাকা ধার ক’রে ওকে সিনেমায় নিয়ে যাই। সেখানে রত্নই অশ্ধকারে আমার হতে ধ’রে আমাকে আদর করতে বলে। অনেকক্ষণ অশ্ধকারে আমার হাত বকে চেপে ধরে রাখে ও। কিন্তু তারপরই রাস্তায় বেরিয়ে এসে বাসে চাপার আগে বলে ‘শনিবার ফোন ক’রে এসো।’

‘কেন ফোন করার কী দরকার?’

‘না ফোন ক’রে এসো।’ ও জেদী গলায় বলে।

‘না ফোন করব না।’ আমিও জেদ ধরে বসি। ইতিমধ্যে বাস এসে যায়। রত্ন চলে যায়। মাঝখানে ক’দিন আমি আর ফোন করি না। শনিবার নির্দিষ্ট বাসস্টপে যখন ঘণ্টাখানেক দাঁড়িয়েও রত্ন আসে না, তখন বন্ধি কোথাও গাঙগোল হয়েছে। আরো আধঘণ্টা দাঁড়াই, রত্ন তব্দ আসে না। শেষে, রাতে ওদের বাড়ি চলে যাই। আর্টটার সময়ও রত্ন আসে না। অথচ ওদের ছুটি হয়েছে আড়াইটায়। শেষকালে রত্ন আসে, এসেই খাটে শত্নে পড়ে। ওকে দেখেই আমার মনে হয় সামান্য মাতাল। ‘রত্ন’, আমি বলি, ‘এত দেরি হল যে, আমাকে এতক্ষণ দাঁড় করিয়ে রাখলে যে—’

‘আমাকে নিশ্চয়ই খারাপ মেয়ে ভাবছ’, হঠাৎ রত্ন ছলছল আরক্ত চোখে তাকায়, বলে, ‘নবীন আর আমি আজ বেলাদিদের খেতে বলেছিলাম রত্ন মদন-এ’

‘সেইজন্য আমাকে দাঁড় করিয়ে রাখলে!’

‘কী করব? উপায় ছিল না। আজই ছোট্টর সাল্লাই অর্ডারের সাকুলার বেরিয়েছে অফিসে। ওর ব্যবসাটা হবে। নবীন করে দিয়েছে।’ সে হাসে

‘সাপ্রাই অর্ডার!’ আমি স্তম্ভিত হ’য়ে বলি, ‘জনজরণ্য দেখনি? এসব অর্ডারের জন্য কী দিতে হয় তা জানো না?’

‘কিছু না, কিছু না।’ গায়ের আড়মোড়া ভেঙে হাই তুলে রত্ন বলে, ‘শত্ন নবীনের

মোটরসাইকেলে চেপে ঘুরলে আর ওর সঙ্গে রেষারেষি খেলেই ও খুশি। তার চেয়ে বেশি কিছু ও চায় না। কিন্তু সত্যিই আমি দুঃখিত মনশী। তোমাকে এতক্ষণ দাঁড় করিয়ে রেখেছি, ফোন করলে না কেন? তাহলেই গাংডগোল হ'ত না।

আমি এরপর বেরিয়ে আসি। অসহ্য অপমানে আমি তখন অসাড় হয়ে গেছি, গাংডগোলের সুহপাত বলা যায় এখান থেকেই। কিন্তু কাকে দোষ দেব? সবচেয়ে বড় দোষী তো আমি-ই। হ্যাঁ, আমিই দোষী!

লেখকের বক্তব্য

যাক, মনশী যে দোষ স্বীকার করেছে এতে তার অপরাধ না-কমলেও অন্তত নিজের কাছে কিছুটা হালকা বোধ সে করতে পারে। কিন্তু যার চরিত্রে এই ধরনের দোষ, এই ধরনের দাঙ্গিহীন যে, তার জীবন সম্পর্কে অভিযোগ করার অধিকার যে নেই, এটা পরিষ্কার। এবার বুঝতে পারছি, কেন কারও সম্পর্কেই তার কোনো অভিযোগ ছিল না। অভিযোগ করার যোগ্যতাই, মনশীর ছিল না।

মনশীর নোটব্লক

আমার হাতে যে-পরিমাণ কাদা লেগে আছে, তাতে অন্যকে পরিষ্কার করতে চাওয়ার যোগ্যতা আমার নেই, অধিকারও নেই। নিজের ভেতর যে-অন্ধকার, যে-কাদা আমি লক্ষ্য করি, যা মাঝে মাঝে আমাকে পিষে থেঁৎলে ফেলতে চায়, তাকে আমি এড়িয়ে যেতে চাই না। আজ বুঝি পাপ ও দোষ কাকে বলে, রত্নদর বিরুদ্ধে আজ আর তাই আমার কোনো অভিযোগ নেই। যদিও রত্নদরকে আমি ১লা বৈশাখের পরের দিন কাদায় ডুবিয়ে দিয়েছি। কিন্তু সেদিন আমি সত্যিই মর্মান্তিক কষ্ট পেয়েছি, ভয়াবহ এক অভিজ্ঞতার মধ্য দিয়ে হেঁটে গেছি সারাক্ষণ! কিন্তু তার আগে আরেকদিনের কথা বলে নিতে হবে যেদিন আমার সঙ্গে শান্তিনিকেতনে যাবে বলে রত্নদর টাকা নিয়ে এসেছিল ধার ক'রে, আর সেটাকা আমি রেসের মাঠে লাগিয়ে হেরে যাই। কী ভয়ানক মর্মান্তিক লেগেছিল সেদিন রত্নদর গলা 'তুমি যাবে না?' সে যেন বিশ্বাসই করতে পারছে না, আমি তার সঙ্গে সারাদিন একা একটা ঘরে না-থেকে চলে যাব রেসের মাঠে— একথা সে বিশ্বাস করবে কি ক'রে? আজ অবশ্য আমার নিজের কাছেই এটা অবিশ্বাস্য লাগে, কিন্তু সেদিন পেরেছিলাম। একবার নয়, বারদুয়েক। বোধহয় সেদিন থেকেই রত্নদর আমার কাছ থেকে স'রে যায়, ঘৃণা করতে শুরু করে আমাকে। স্বাভাবিক। এরপর রত্নদর দেয়া সমস্ত অপমানই আমার প্রাপ্য। এরপর ১লা বৈশাখের কথা আমি বলতে পারি। সেদিন আমার যাওয়ার কথা ছিল না। তার আগের দিনই আমি রত্নদরদের বাড়িতে নিমন্ত্রণ খেয়েছি। একটু রাত হ'য়ে গেছিল, রত্নদর আমাকে থেকেও যেতে বলোছিল রাগে, কিন্তু থাকিনি।

ধার্মিকি বলিই পরের দিন আবার গেলাম বেলা ৩টে নাগাদ। ওদের গলির মূখে পা দিতেই দেখি একটা নীল প্রাইভেট কার, নম্বর দেখে বদ্বলাম রেন্টাল কার। গাড়ি থেকে বলিষ্ঠ চেহারার একজন লোক নামল, তার একহাতে শাড়ির প্যাকেট, অন্যহাতে মিণ্টের প্যাকেট সেলোফেনে মোড়া। আমার কিছটা আগে বেশ বড় বড় পা ফেলে হেঁটে গেল লোকটি। আমিও তার পেছনে হেঁটে রুনুদের বাড়িতে পেঁছে দেখি সে-ও ঢুকছে। এবার আমি বদ্বলাম, এই নবীন। লোকটি ঢুকল সামনের বৈঠকখানায়, আমি পাশের ঘরের দরজায় কড়া নাড়তেই রুনু বেরিয়ে এল, পরনে হাউসকোট। আমাকে পাশের ঘরে বসতে বলে সে চলে গেল বৈঠকখানায়, একটু পরেই খুশির হুন্সোড়, ও তারপরেই কিছটা নিচু গলার ফিশফিশ, টিভি ছেড়ে দিয়ে নিচু গলায় কথা বলার ধরণ শুনে বদ্বতে পারলাম কিছ একটা পরামর্শ হচ্ছে। কিছক্ষণ পরে রুনুর ছোটভাই প্যাংটজামা পরে বেরিয়ে গেল। সঙ্গে মনে হল লোকটিও বেরিয়ে গেল। আমাকে বৈঠকখানায় নিয়ে গেল রুনু, তারপর বলল, 'নবীন বরানগর গেল ওর বন্ধুদের কাছে। বেশ চটে গেছে।'।

'কেন?' আমি একটু কৌতূহলী হয়ে বলি।

'ভেবেছে আমি তোমাকে আসতে বলিছিলাম। অথচ আমি জানতামই না তুমি আজ আসবে।'।

'আমি তো আসতেই পারি।'।

'ঠিক আছে, মিণ্ট খাবে? এই যে নবীন এনেছে।'।

'না, খাব না।' আমি বলি, 'তোমার জন্য শাড়ি এনেছে বদ্বি?'

'হ্যাঁ। আনলেই আজ পরব, এমন মানে নেই।'।

'তুমি পয়লা বৈশাখে নতুন শাড়ি পর বদ্বি?'

'হ্যাঁ।'।

'কই আমাকে বলানতো।'।

'এ আর বলার কী আছে?' রুনু হাই তোলে। সে এবার ঘর থেকে বেরিয়ে যায়, তারপর একটা প্লেটে গোটা দুয়েক রসগোল্লা এনে বলে, 'নাও খেয়ে নাও।'। পয়লা বৈশাখের দিন মিণ্টমুখ করাই নিয়ম।' আমি খাই। এরপর হঠাৎ আমার কাছ থেকে উঠে কিছটা দূরে গিয়ে বসে রুনু, বাইরের দিকে ইংগিত করে বলে, 'মা ভীষণ চটে গেছে, তোমার কাছে বসেছিলাম বলি।'।

'সে কী! মা চটবেন কেন?'

'ঐ রকমই। মার মেজাজ হঠাৎ খারাপ হয়ে যায়।'।

এবার রুনুর ছোটভাই বাইরে থেকে রুনুকে ডাকে। রুনু বেরিয়ে যায়, কথা বলে। তারপর ঘরের ভেতরে ফিরে এসে হঠাৎ বলে আমাকে 'নবীন ফিরে এসেছে। কিন্তু কিছতেই এখানে আসতে চাইছে না মোড়ের চায়ের দোকানে বসে আছে, কী মর্শাকল বলতো?'

‘কেন কী হলো?’

‘বলছে তুমি থাকলে ও আসতে পারবে না।’

এবার হঠাৎ মদুহর্তের মধ্যে আমার কাছে সমস্ত ব্যাপারটা পরিষ্কার হয়ে যায়। পা থেকে মাথা পর্যন্ত অসাড় হয়ে যায় আমার। আমি কোনমতে টলতে-টলতে উঠে পড়ি, মদুহর্তের মধ্যে রদুনকে আমার এক বান্দু বেশ্যা বলে মনে হয়, আমি আশ্তে আশ্তে বলি, ‘আমি এখন না গেলে কি তোমার চাকরি কিংবা ভাইয়ের ব্যবসার ক্ষতি হবে?’

‘না চাকরির কিছ্ হবে না’, রদুন ভাবলেশহীন মূখে বলে। ‘কিন্তু ভাইয়ের ব্যবসার ক্ষতি হতে পারে।’

‘আমি তাহলে চলি।’

প্রায় টলতে টলতেই বেরিয়ে আসি আমি। বলা যেতে পারে এক অমানুষিক আঘাতে তখন আমার হাঁটারও শক্তি প্রায় নেই। কোনোমতে পা টেনে টেনে, মাথা নিচু করে ওদের বাড়ি থেকে বেরিয়ে এসে অনেকক্ষণ উদ্দেশ্যহীনভাবে রাস্তায় হাঁটতে থাকি আমি। আমার কেবলই মনে হয় বেশ্যার সঙ্গে প্রেম সম্ভব, কিন্তু প্রেমিকা যদি বেশ্যার পালেট যায়, তাহলে কী হতে পারে, তা আমার জানা নেই। সেই মদুহর্তে আমি রদুনকে ঘণা করি, এমন অমানুষিক ঘণা আমি আর কাউকে কখনো করিনি।

যতবার এ ঘটনার পর আমি রদুনকে প্রশ্ন করেছি, সে দিন আমি চলে আসার পর সে কী করেছিল, ততবারই তার পরস্পরবিরোধী কিংবা ভাসাভাসা উত্তর দিয়েছে সে। ফলে আমি যা ভেবেছি তা সত্য হলে তার চেয়ে মর্মান্তিক আর কিছ্ হতে পারে না। অথচ তা স্বাভাবিক ছিল। পরের দিন রদুনকে আমি বেশ্যা বলে গাল দিই, ক্ষমা চাই। আবার গাল দিই। ক্ষমা চাই। এরকমই এখন হয়ে আসছে অনেকদিন। দ্ববার আমি চলে যেতে চেয়েছিলাম, পারিনি, দ্ববারই ফিরে এসেছি। তৃতীয় বারের জন্য এবার আমি হয়ত ভেতর ভেতর প্রস্তুত হাঁছি। হয়ত আবার পারব না। অথচ আশ্চর্য রদুন এখনো আমাকে শারীরিকভাবে চায়। নবীনের সঙ্গে যে ওর কোন শারীরিক সম্পর্ক নেই, তা ও বারবার আমাকে বলেছে। আমি বিশ্বাস করিনি, আজো করি না। এটাও ও জানে। আমি মাঝে মাঝে জঘন্য ভাষায় ওকে গালাগাল দিই। ও মাথা নিচু করে শোনে, কখনো কখনো কাঁদে, কখনো কখনো তীর বাঁঝালো উত্তর দেয়। আমাকে পরিষ্কারই বলেছে ‘তোমার সঙ্গে সম্পর্ক ভাঙার জন্যই আমি নবীনের সঙ্গে বন্ধুত্ব করি।’

‘কিন্তু কেন?’

‘তুমি আমাকে ওর কাছ থেকে টাকা ধার করতে বলেছিলে—’

‘আর?’

‘তুমি বাবার ওষুধের টাকা দিয়ে রেস খেলেছো।’

‘আর?’

‘তুমি আমার বোনাসের সব টাকা দিয়ে রেস খেলেছো।’

‘আর ?’

‘বাস্ এই’, বলে সে হাসে। কিন্তু বলে না যে ‘এই কি যথেষ্ট নয় ?’

আমি মাথা নিচু করে থাকি। আমার কিছুই বলার নেই। আমি যে মূর্তি বানিয়েছিলাম, সে মূর্তি নিজেই ভেঙেছি, এখন সে কদাকার হয়ে গেছে বলে আক্ষেপ করলে কী হবে ? কেন আমার এখন এমন ক্ষমতা নেই ঈশ্বর, যে রত্নদুর সমস্ত দায়িত্ব আমি নিই ? সে তো তাই চায়, সে তো তাই চায়।

মৃত্যুর আগে ওকে আমি সূখী দেখতে চাই। আমি ওর ক্ষতি করেছি, যদি ওর ক্ষতি হয়ে থাকে, কিংবা বলা ভালো নিজের ক্ষতি করে ও আমাকে বদ্বিষয়ে দিয়েছে আমি-ই তার জন্য দায়ী। কিন্তু ও আমাকে এখনও ছেড়ে যায়নি।

আমি জানি না কী করব ! মৃত্যুর জন্য অপেক্ষা করা ছাড়া মরণোন্মুখের আর কী করার আছে।

লেখকের বক্তব্য

মনীশের এই দীর্ঘ স্বীকারোক্তির পর তাকে কাঠগড়ায় দাঁড় করানো হয়ত মূর্শকিল। কিন্তু প্রশ্ন থেকেই যায়, তার চরিত্রের ভিতর এমন কিছু আছে কিনা, যা তাকে অনিবার্য-ভাবে এক ভুল থেকে আরেক ভুলের দিকে ঠেলে নিয়ে গেছে। বলা যেতে পারে সমস্ত ভুল ও দোষের একেবারে তলায় গিয়ে ভেতর থেকে তাদের দেখার প্রবণতা যে লেখকের পক্ষে অনিবার্য তা আমি মনে করি না। সে যে অন্ধকারের জীব তাতো নয়, তবু টমাস মান যে লেখককে ‘মানুষের’ চেয়ে ‘জীব’ বলার বেশি পক্ষপাতী তা আমি জানি। মনীশকে ঠিক প্রত্যেক বলা যাবে কিনা, সে বিষয়ে আমি নিশ্চিত নই, কিন্তু নিজের সম্পর্কে যে সে শেষপর্ষন্ত কিছুটা নিদর্শ হতে পেরেছে, এতে অন্তত আমি কিছুটা হাল্কা বোধ করছি। এরকম লোকের স্বপক্ষে বলার লোক নেই। কিন্তু সে যদি নিজেই নিজের বিপক্ষে বলে তাহলে অন্তত তার কাজের সঙ্গে কথার একটা সামঞ্জস্য থাকে। অতএব মনীশের আত্মবিরোধিতা যে তার নিজেরই নিজেকে দেখার একটা ধরণ, একথা আমি পাঠকদের স্মরণ করিয়ে তাঁদের সতর্ক থাকতে বলব যেন তাঁরা অকারণ সহানুভূতির খপ্পরে না-পড়েন। তবু যদি তাদের কণ্ঠও সহানুভূতির উদ্রেক হয়, তাহলে তাঁদের লক্ষ্য করতে বলব, মনীশ ঠিক কোন জায়গায় নিজেকে সম্পূর্ণ নিঃস্ব বা শূন্য করে দিয়ে সেখানে কী তৈরি করতে চেয়েছিল।

মনীশের নোটবুদ

মানুষকে এড়িয়ে যাওয়া সম্ভব নয়, অতএব একের পর এক (শুদ্ধ রত্নদুর নয়) সম্পর্ক, লক্ষ্য করছি, হাতের মধ্য দিয়ে জল বা বালির মতো গাড়িয়ে চলে যায়। শেষপর্ষন্ত

থাকে না। কেবল চারপাশে যে গাছ, ঘাস, নদী, পাথর, জল নিঃশব্দে দাঁড়িয়ে বা বয়ে চলেছে, সেখান থেকে কোনো সংকেত আসছে কিনা লক্ষ্য করতে চাই। মনে হয় ঐ অসীম নৈঃশব্দের জগতে এমন কোনো ভাষা আছে যা পড়তে পারছি না, একবার পড়তে পারলে, আমিও শিকড়ের মতো চলে যেতে পারব ভূগর্ভের অন্ধকারে, ফুলের বা ডালপালার মতো অগ্রাহ্য করতে পারব মহাকর্ষের টান, জলের মতো প্রতিমুহূর্তে নিজেকে পাশে ফেলে বয়ে যেতে পারব, হাওয়ার মতো উড়িয়ে নিয়ে যেতে পারব ঝরা পাতার রাশি, আর ঝরা পাতার মতোই স্বেচ্ছায় ভেসে যেতে পারব নিজের পরিণাম লক্ষ্য করে হাওয়ায়।

শুধু একবার যদি ততদূর স্তম্ভ হয়ে যেতে পারি যতদূর হ'লে আমার ভিতর ফুটে উঠবে সেই ভাষা যা আমি নিজে, যা আমার সম্পূর্ণ জীবন অথচ যা বহুদিন ব্যবহার করিনি বলে এতদিন ভেবোঁছ ভুলে গৌঁছ। □